



Publicaziuns officialas dils 28-08-2020

Via Runcahez – Runé

Ils 31 d'uost 2020 entscheiva l'Axpo Hydro Surselva SA cun la sanaziun dalla lingia Nadels – Runcahez. En ina emprema etappa vegn la lingia sin il tschancun Runcahez – Runé sanada. Ord quei motiv resta la via serrada per tut il traffic naven **dils 31 d'uost 2020 entochen la fin da november**. In passadi per pedunz ei duront las lavurs da sanaziun avon maun. Nus supplichein per enconuschientscha e capientscha.

Sumvitg, 28-08-2020

Departament forestal

Curdem da gronda dimensiun

La vischnaunca organisescha ina rimnada da rufid bloccont sco suonda:

Venderdis, ils 16 d'october 2020 dallas 08.00 - 18.00 uras

Ei vegn rimnau il rufid per l'entira vischnaunca sin la piazza Igniu (spel baghetg economic)

Ils curdems ein da deponer els containers ni navettas tschentai sil plaz. Per tener-casa vegn priu encunter **max. 2 m³** rumians. Quantitads pli grondas, per ex. ord rumidas da casas e clavaus ein da transportar directamein e sin cuost dil caschunader ella deponia regionala a Rueun. Rumians jamnils, q.v.d. rumians ch'ins dismetta el sac verd e rufid bloccont pign (dimensiuns max. 100 cm liung / 60 cm lad / 60 cm ault / peisa max. 30 kg) vegnan buca pri encunter. Tals rumians ein da plazzar als plazs da rimnada usitai els vitgs e che vegnan rimnai entras la Regiun Surselva mintgamai la mesjamna.

Ei vegn acceptau

- maschinas pintgas e mopeds mo cun tratg giu ieli e benzin,
- ferramenta, ferradira da tuttas sorts (meisas da fier, uaffens da fier, velos, e.a.v.),
- tut las maschinas electronicas (computers, frestgeras, maschinas da furar, pegnas d'electric sch cun e senza ieli e.a.v.),
- mobilier movibel (letg, scaffa, suppia, madrazza, teppi denton buca culau giu, e.a.v.),
- requisits per il temps liber e sport (skis, indrez da trenament, velos e.a.v.) ch'ei pli gronds che 100 cm liung / 60 cm lad / 60 cm ault ni pli grevs che 30 kg,
- per pneus senza gavegl vegn incassau ina taxa da frs. 5.--, cun gavegl frs. 10.--,
- per pneus da maschinas agricolas pintgas vegn incassau ina taxa da frs. 20.-- e per pneus da tracturs frs. 50.--,
- calzars da skis san vegnir dai giu en favur dalla ARGO Tavau per frs. 5.--.

Buca acceptau vegnan

- tuttas maschinas agricolas,
- lenna da brisch, lenna veglia, lenna da baghetg (tabliaus, plantschius, lattas, quaders, panos, e.a.v.),
- sacs da pupi e da plastic,
- materials da pachetar (palets, stiropor, plastic, e.a.v.),
- requisits per il temps liber e sport ch'ei pli pigns che 100 cm liung / 60 cm lad / 60 cm ault e pli levs che 30 kg (bob, scarsola, calzars da rodas, aissa-rulletta e.a.v.),
- blachas da ballas da silo (verdhas ed alvas),
- curdems da baghetg (linoleums, isolaziuns, plastics, folias da tetg e da preits, e.a.v.) e curdems da fatschentas,

- curdem verd da curtin e caglias, tals curdems san vegnir transportai sin la deponia verda ad Igriu,
- cartun e pupi duei vegnir surdau alla rimnada entras las scolas resp. las uniuns.

Ils suandonts rumians vegnan rimnai cun ils rumians jamnills e basegnan las marcas sco suonda:

- sacs tochen 50 kg; 1 marca da frs. 2.50,
- rumians pigns tochen 100 cm liung / 60 cm lad / 60 cm ault e pli levs che 12 kg; 2 marcas da frs. 2.50,
- rumians pigns tochen 100 cm liung / 60 cm lad / 60 cm ault entochen ina peisa da 30 kg; 3 marcas da frs. 2.50.

Nus appelein alla responsabladad da vischinas e vischins e supplichein da setener vid quellas directivas en favur digl ambient. Medemamein fagein nus attents da buca deponer rumians sin deponias illegalas (selvadias). Talas deponias cunterfan alla legislaziun per la dismissa da rumians e vegnan annunziadas als organs responsabels e puni.

Per ulteriuras informaziuns stat il genau responsabel bugen a Vossa disposiziun.

Sumvitg, 28-08-2020

Departament d'ambient

Club da tennis Trun

Lotto a Trun – refiers sin primavera 2021

Muort il Covid-19 ei il lotto che havess giu liug il mars 2020 vegnius spustaus sin ils 3 d'october 2020. La situaziun actuala cun tut las strentgas prescripziuns lai el mument buca tier d'organisar e menar atras in lotto. Aschia che nus essan deplorablamein sfurzai da refierer il lotto sin la primavera 2021, sperond che la situaziun seigi secalmada tochen lu. Nus engraziein per Vossa capientscha e sperein fermamein da saver menar atras il lotto la primavera 2021. *Club da tennis Trun*

Uniun da gimnastica Ischi Trun

Nus dunnas fagein gimnastica naven **dil davos d'uost entochen igl avrel**, mintgamai igl gliendisdis naven dallas 20.00–21.30. Nies program da gimnastica ei zun variants. Sche nus havein svegliau vies interess, saveis vegnir inagada sperasvi per in fuffergnadi. Annunzias pren bugen encunter: Adriana Albin, 078 793 43 55 ni adriana.albin@outlook.com

Von **Ende August bis und mit April** treffen wir Frauen uns jeweils montags von 20.00–21.30 Uhr zu einem sehr abwechslungsreichen Sportprogramm. Haben wir euer Interesse geweckt? Eine Schnupperstunde ist jederzeit möglich. Anmeldungen: Adriana Albin, 078 793 43 55 oder adriana.albin@outlook.com

Apparat d'udida

Gliendisdis, ils 7 da settember 2020 saveis Vus schar schubergiar e rugalar Vies apparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el Puntreis, Center da sanadad a Mustér

Dunna Giger dalla firma Amplifon e signur Gfeller dalla firma sorprendan comunablamein quei survetsch gratuit per tuts interessents. Ei drova negina annunzia.